

1^a Jaro

Januaro 1904

N^o 1^a

Internacia Scienca Revuo

MONATA ORGANO

EN

ESPERANTO

Eldonata kun alta patronado de

Doktoro L. L. ZAMENHOF, aŭtoro de la lingvo Esperanto;
LA FRANCA SOCIETO DE FIZIKO; LA INTERNACIA
SOCIETO DE ELEKTRISTOJ; Profesoroj ADELSKÖLD,
APPELL, D'ARSONVAL, BAUDOIN DE COURTENAY,
BECQUEREL, BERTHELOT, BOUCHARD, DESLAN-
DRES, DUCLAUX, FÖRSTER, HALLER, HENRIKO POIN-
CARÉ, RAMSAY, Generalo SEBERT; kaj diverslandaj scienculoj.

%% %% %% %%

Redakcio:

P. FRUICHTIER

27, boulevard Arago, PARIS

Administracio:

HACHETTE & K^o

79, boulevard Saint-Germain, PARIS

ANGLUJO. — "Review of Reviews", London. ♦ ♦ ♦ ♦
DANUJO. — A.-F. Høst & Søn, Kjøbenhavn. ♦ ♦ ♦ ♦
FRANCUJO. — Hachette et C^{ie}, Paris. ♦ ♦ ♦ ♦
GERMANUJO. — Möller & Bötzel, Berlin. ♦ ♦ ♦ ♦
HISPANUJO. — J. Espasa, Barcelona. ♦ ♦ ♦ ♦ ♦ ♦ ♦ ♦
HUNGARUJO. — Lengyel Pál, Szekszárd. ♦ ♦ ♦ ♦
ITALUJO. — Raffaello Giusti, Livorno. ♦ ♦ ♦ ♦ ♦ ♦ ♦ ♦
RUSUJO. — M. Arct, Warszawa. ♦ ♦ ♦ ♦ ♦ ♦ ♦ ♦

Jara abonó: Francujo: 6 fr. 50
Por ceteraj landoj: 7 fr.
Unu numero: 60 centimoj: 25 kopékoj;
50 pfenigoj: 6 penco.

septembro 1907, n-ro 45

Oficiala informilo.

315

obligato = F. multiplicande
oblero = F. facteur
same:
ono (anstataŭ kvociento) = F. quotient
entjero (anstataŭ divizoro) = F. diviseur
(entier)
onigi, multonigi = F. diviser
onigo, multonigo = F. division
oniganto = F. diviseur
onigato = F. dividende
same:
sumo = F. somme
sumigi = F. additionner
sumigo = F. addition
sumero = F. addende
La vorto *adicio* estas senutila kaj ne ek-
zistas en Rusa lingvo.
Mi tre bone scias ke la vortoj *adicii*, multi-

pliki, faktoro, dividi, kvociento, k.t.p. estas kiel
oni diras "internaciaj", sed la internacieco
ne estas absoluta, kaj estos ĉiam pli facile
por Japano ekzemple aŭ eĉ por Ruso lerni
la nurajn du vortojn *oblo* kaj *ono* ol lerni 7
novajn radikojn. Plie la vorto *multi-ipli-ik-i*
estas nur difektigo de la regula vorto *multi-*
obl-ig-i.

Tiuj rimarkoj estas nur personaj kaj mi
ĉefe skribas ilin por atentigi, ke unu el la
plej delikataj taskoj de la estonta "Scienca
Komitato Esperantista" estos decidi en kia
okazo oni devas alpreni regule devenigitan
vorton Esperantan kaj en kia internacian
esprimon malregule devenigitan. Estus tre
dezirinde se oni povus elverki regulojn pri
tio.

R. de S.
Genevo (Svis.)

OFICIALA INFORMILO

Monato Aŭgusto 1907.

**Provizora raporto¹ pri la ĝenerala kunsido de la Inter-
nacia Scienca Asocio Esperantista en Cambridge (Angl.).**
— La Esperantista Scienca Asocio kunvenis por sia oficiala fondo Jaudon Aŭ-
gusto 15^a posttagmeze je la 1 1/2 horo en la aŭdejo de la "Union Society".

Prezidis la provizora prezidanto G-alo SEBERT, Membro de l'Franca Insti-
tuto. La nombro de la anoj de la Asocio hodiaŭ estas ĉirkaŭ 700, el kiuj almenaŭ
60 ĉeestis la kunvenon, krom la publiko nesciencula aŭ neesperantista.

D-ro ZAMENHOF ĉeestis kiel honora Prezidanto de la Asocio.

Generalo Sebert komence diris ke « Grava fakto estas tiu unua kunsido de
la Esperantista Scienca Asocio okazanta en la mondfama universitatourbo Kem-
brigo, kiu jam estis la naskigejo de scienca edukado en Britlando. Ĝi povas
esti la komenco de grava evolucio de la Scienco tra la tuta mondo. »

G-alo Sebert poste dankas la ageman sekretario Prof. C. BOURLET, kiu pre-
paris la fondon de nia Asocio, S-ron R. DE SAUSSURE, kiu preparis la fondon de
la Scienca Oficejo, tiujn anojn ĉeestantojn pro ilia helpo kaj fine la "Union
Society" pro ilia afabla akcepto de nia Asocio.

La regularo proponita de la provizora estraro, publikigita en la Scienca
Revuo kaj jam diskutita en du antaŭaj kunsidoj estas unuvoĉe akceptita.

Laŭ tiu regularo, nova estraro estas tuj elektita: laŭ la propono de l'prezi-
danto mem, kiu tre deziris ekigi por sin ripozi, la nomo de Prof. D-ro Ad.
SCHMIDT, Direktoro de la R. Magneta Observejo, ĉe Postdam estas aklande
akceptita kiel prezidanto por la venonta jaro.

¹ La plena raporto pri la kunsidoj de la I. S. A. E. dum la 3^a universala kongreso de
Esperanto aperos en la proksima kajero de S. R.

Je tiu ĉi momento, S-ro FOURNIER D'ALBE petas la parolon kaj anoncas gravan kaj tute neatenditan aligon al Esperantismo, nome tiun de la fama Kembriga profesoro fizikista J. J. THOMSON, F. R. S. Tiu aligo estas aklamita, kaj ĉar 2 vicprezidantoj estas ankoraŭ elektitaj, oni proponas: Prof. J. J. Thomson kiel unua vicprezidanto, kaj kiel dua vicprezidanto, S-ro R. BENOIT, direktoro de l'Internacia Oficejo por la peziloj kaj mezuriloj, apud Parizo. Ambaŭ estas unuvoĉe elektitaj.

D-ro R. DE SAUSSURE el la Geneva Universitato estas poste elektita kiel ĝenerala sekretario de la Asocio kaj estro de la Scienca Oficejo en Genevo.

Laŭ la regularo oni elektis plue: 2 sekretariojn, nome:

Prof. C. BOURLET, el Francujo kaj S-ro W. ŠMURLO el Rusujo. S-ro Renard el Genevo estas elektita kiel kasisto de la Asocio. Krom G-alo SEBERT kiu rajte iĝas komitatano, estas fine ankoraŭ elektitaj 8 komitatanoj, nome:

Prof. Ed. HUNTINGTON, el la Harvarda Universitato, Cambridge, U. S. A.

» F. VILLAREAL, dekanato de la Scienca Fakultato. Lima, Peruo.

« H. PELLAT, Prez. de la Franca Societo de Fiziko, Parizo, Francujo.

S-ro J. MEZZINI, Geologiisto, Arezzo, Italujo.

D-ro K. BEIN, Okulisto, Varsovio, Polujo.

D-ro K. R. R. AARS, membro de la Norvega Akademio de l'Sciencoj, Kristiania, Norvegujo.

S-ro FOURNIER-D'ALBE, membro de la Reĝa Dublina Societo, Chapelizod, Dublin, Irlando.

Prof. R. CODORNIA, Ĉefingeniero de arbaroj, Murcia, Hispanujo.

Prof. Schmidt dankante korege la Asocion pro la elekto kiun li konsideras kiel honoron faritan al sia patrolando, elokvente parolis pri la tiel efika agado kaj penado per kiuj G-alo Sebert sukcesis organizi la Sciencon Asocion dum la pasinta jaro.

Konklude D-ro de Saussure dankegis la Asocion pro la kunfido kaj honoro farita al li kaj submetis al la aprobo de la Scienca Asocio la jenan deziron jam diskutitan en la antaŭaj kunsidoj:

Deziro.

La anoj de la Scienca Asocio kunvenintaj en Cambridge la 15an de Aŭgusto opinias, ke la uzado de helpa malsistemo decimala estus tre utila kaj esprimas la deziron ke la Esperantistoj ekprovu ties uzon.

Tiu deziro estis voĉdone akceptita por esti prezentota al la ĝenerala kunveno de l' Kongreso kiel deziro de la Asocio.

La kunsido estas tiam fermata.

La sekvantan tagon, delegacio estas sendita al Prof. J. J. Thomson, kiu plezure akceptis la vicprezidecon.

La Prezidanto:
Generalo H. SEBERT.

La Ĝenerala Sekretario:
René de SAUSSURE.

P. S. — Tiu ĉi kajero estas 36-paĝa.

Por informi kaj esti informita...

LA PLEJ OFTA INTERNACIA GAZETO EN ESPERANTO

Aperas dusemajne

EVENTOJ

Redakcia adreso:
Budapest, pk. 87.
H-1675, Hungario
Telefona kaj telefakso:
(+36-1) 1288-258

Internacia Sendependa Gazeto pri la Esperanto-Movado

aperas ekde marto '92

Represo de elektitaj artikoloj el aliaj E-revuoj,
kaj rapidaj informoj por aktivaj esperantistoj!

EVENTOJ aperas dusemajne,

kaj estas io alia, ol la kutimaj movadaj gazetoj...
Abonu kaj kunlaboru ankaŭ Vi!

H-1675 Budapest, pk. 87.